

## Kivunjo - Ichä-Wicho Wurango Shireio - Good-Bad Mind Scriptures

### Ichä Wurango Shireio - Good Mind Scriptures

Mariko 5:15 Wakayenda ko Yesu, wakawona ulya awewořo nyi warufui wawicho, ařamie, ařee nguwo, alamsuko-se, na oe nyi oe awewořo nyi poo lyilya lya warufui wawicho; wakaowuo.

Luka 8:35 Wandu wakafuma indewona ikyo kyilewutika, wakayenda ko Yesu, wakawona mndu ulya alewuto warufui wawicho ařamie mařendenyi ga Yesu, ařee nguwo na makusaro gakte gai mecha, wakaowuo.

Mawuto 17:11 Wandu-wa wawewoře ngaruo cha walya wa Tesalonikye-pfo, cha kyipfa waleambilyia ndumo iya kui mrima mkyesi, wakakulosha shireio shiele orio mfiri, kundu wamanye kokooya mbonyi na wuřo tsikyeri chandu Paulo alewawia.

Mawuto 20:19 ngyechirundia Mndumii kui wusimiri woose, na kui mcherere, na shiyesho shilengyichia kui ngyero tsa Wayuda.

WaRoma 7:25 Ngyiana Ruwa, kui Yesu Kristo Mndumii ořu. Kyasia, kokooya nyi wuřo, inyi ngyimonyi kui wuřango woko ngyirundia iwawaso lya Ruwa, indi kui mmbiu oko iwawaso lya wunyamarj.

WaRoma 8:6 Cha kyipfa kyindo mmbiu ukundi nyi upfu; indi kyindo mrima ukundi nyi moo na uforo.

WaRoma 8:27 Na oe ai moruwa-ruwa mrima, naichi kyilya Mumuyo akundi cha kyipfa nekyeterewia wandu wa Ruwa chandu Ruwa akundi.

WaRoma 11:34 Kyipfa nyi wui aichi kyindo Mndumii akusarie? Ang'u nyi wui alembba mlosha okye?

WaRoma 12:2 Maa mulaoshe mbare ya wuyana-wu; indi mugalukye kundu Ruwa nairime igaluo makusaro ganyu. Iho nyi lyo-ndu moiřima imanya kyilya Ruwa akundi, imanya kyilya kyii kyicha, kyemchihira na kyikyiafutsie.

WaRoma 12:16 Muiřkyiane shilya mukusurie nyoe wenyi ko wenyi. Maa mulakusurie shindo shing'anyi, indi muiřkyie iwinisho nyi mbonyi tsifofo. Maa mulakushelyie wuřango.

WaRoma 14:5 Mndu umwi nekyewona kye mfiri yoose ifananyi-pfo. Ungyi nekyewona mfiri yoose ifananyi. Orio mndu nawute chandu wuřango wokye womlorja.

WaRoma 15:6 kundu kui mrima umwi na kui řumbu lyimwi muiřime iřumisha Ruwa, Awu o Mndumii ořu Yesu Kristo.

1 WaKorinto 1:10 Kyasia wana wa wama wako, ngamuterewa, kui rina lya Mndumii ořu Yesu Kristo, nyoe muřere kyindo kyimwi; maa halawaře

nduutsano, indi muware makusaro gamwi.

- 1 WaKorinto 2:16 Kyipfa chandu shireio shiele shigambie, "Nyi wui alemania kyindo Mndumii akundi, namloshe?" Kyaindi soe luwore makusaro ga Kristo, kyipfa lokyekusara cha Kristo.
- 2 WaKorinto 7:7 Maa chi kui icha lyake tikyi-pfo, indi chandu alewiyirio moo nyoe, echiluwia mbonyi tsa ilanga lyanyu, na ranzi yanyu, na wuragari wonyu kyipfa kyako, mrasa ngaengyera ichihiyo.
- 2 WaKorinto 8:12 Kyipfa kokooya mndu awore mrima o tarama, Ruwa nekyeambilyia kyilya echiiroma iwuta, ekyerika kya ngosera-pfo. (1 Kronika 28:9)
- 2 WaKorinto 9:2 Kyipfa ngiichi ikureyera lyanyu; ikureyera ngyekyekushelyia kyipfa kyanyu ko wandu wa Makyedonia, kye Akaya iwekureyerie maka oose; na wuragari wonyu wulekarisha wafoi.
- 2 WaKorinto 13:11 Numa ya iho, wana wa wama, nakonyu. Muafutsie, muwiyirio moo. Kusurienyi kyimwi, mukae uforonyi. Na Ruwa o ikunda na uforo nechikaa hamwi na nyoe.

WaEfeso 4:23 Mugalutso muwe wandu wahya ikusurienyi lya mrima yanyu.

WaFilyipi 2:2-5 ngyienengyenyi sia ing'anyi, kundu muwe na makusaro gamwi, wandu muwore ikunda lyimwi, wawore mrima umwi, mochikusara iwuta kyindo kyimwi. 3 Maa mulawute kyindo kyoose kui iwingana ang'u kui makushelo; indi kui wupfereri, orio mndu nawone ore kye nawore kyiira kuta oe. 4 Mndu alakuwinishe kyipfa kya shindo shakte amonyi, indi nakuwinishe kyipfa kya shindo sha ore. 5 Warenyi makusaro galya galya Yesu Kristo awewore;

WaFilyipi 4:2 Ngaterewa Euodia, ngaterewa na Sintikye, waware makusaro gamwi kyiiri kya Mndumii.

WaFilyipi 4:7 Na uforo lo Ruwa, luirie wuango woose lochiringa mrima yanyu na makusaro ganyu kyipfa muwalungye na Kristo Yesu. (Yesaya 26:3)

WaKolosai 3:12 Kyasia, kyipfa mommbe wasambure wa Ruwa, wandu wa Ruwa wakunde, raenyi mrima o isaria, mkaro mcha, wupfereri, wuhoo, ikarishia.

2 WaTesonikye 2:2 kye maa mulairewi iwinyi mrasa ira iwuta kyilya mukundi, maa mulaowesho, kui mumuyo, maa kui reto, maa kui paruo ikusaro kye nyi yaru, cha ilyi kye mfiri Mndumii aicha lya kawi ulemcha.

2 Timoteo 1:7 Kyipfa Ruwa aleluenenga mrima o wuowu-pfo, indi o pfinya na o ikunda na uwore meena.

Tito 2:6 Na wuro na wanakyte uwatutume iwa na meena;

WaEbrania 8:10 Kyipfa ichu nyicho mma ngyechiwika na wandu wa Israelyi numa ya mfiri iya, Ruwa nagamba, 'Ngyechiwika mawawaso gako makusaronyi gawo, na ngyechigareia mrimenyi kowo. Na inyi ngyechiwa Ruwa kowo, nawo wechiwa wandu wako.'

- 1 Petiro 1:13 Koikyo kureyerenyi na iwarā meena; mochiwerelyia nakamwi isaria lyilya mochiwona kyiyeri Yesu Kristo echiloro.
  - 1 Petiro 5:2 Iyisenyi poo lya Mndumii lyikyeri konyu, na ilyigorokyia. Chi kui iitiko-pfo, indi kulawore iitiko, chandu Ruwa akundi, chi kui ikunda iwona heleri tsa sonu-pfo, indi kui ikuwuta nakamwi.
  - 2 Petiro 3:1 Wakunde, paruo-i nyi ya kawi ngyimureia nyoe. Ipfo paruonyi tsiwi ngyilepfurukana iamtsa makusaro mecha mroenyi konyu kui imukumbura mbonyi-tsi.
- Yakobo 1:17 Orio ienengyia lyikyeri lyicha, na orio kyindo kyekyewuto kyiafutsie, kyekyewuka wuye, kyekyesoka ko Awu agumbie mnengyeri, mori na nyenyeri. Kokye kuwore iilachika lyekyeende meema-pfo. (Yobu 23:13)
- Ulogo lo Yohane 17:9 Iho nyiho hawore ikusara kui wurango.

### Wicho Wurango Shireio - Bad Mind Scriptures

- Mariko 7:21 Cha kyipfa mrimenyi ko wandu kokyewuka makusaro mawicho, wurui, (Esekieli 38:10)
- Luka 12:29 Nyoe mulapfule mulye kyi ang'u munyo kyi-pfo. Maa mulairewe mrimenyi,
- Mawuto 12:20 Na Herode nawesuuye mnu kyipfa kya wandu wa Tiro na Sidon. Wakayenda kokye wakyeri kyindo kyimwi, na wammbare mbuya na Blasto, awekyeambuya kyiri kya Mangyi Herode kyelaa, wakakunda ikaa na wandu ko uforo; cha kyipfa uruka lowo lulewona kyelya iwuka urukyenyi lo Herode.
- Mawuto 14:2 Kyaindi Wayuda walelega iirikyia Yesu wakawutia wandu walaweirikyie Yesu shindo sha kyinyala na ienenga walya waweirikyie Yesu ipfuluko mrimenyi.
- WaRoma 1:28 Na chandu walelega iwika Ruwa ngyuurlangonyi tsawo, Ruwa naleware waoshe ngyuurlango tsawo tsilawore kyiira, wawute shilawari iwuta.
- WaRoma 8:6,7 Cha kyipfa kyindo mmbiu ukundi nyi upfu; indi kyindo mrima ukundi nyi moo na uforo. 7 Cha kyipfa kyilya mmbiu ukundi nyi kyituwa ko Ruwa, kyipfa kyekyeindia iwawaso lya Ruwa-pfo, maa kyeirimma ilyindia-pfo.
- WaRoma 11:20 Nyi kyicha. Galemanyo kyipfa kya ilemo iirikyia lyawo; na iyoe nugorokyi kui iirikyia lyapfo. Maa ulakushele, indi uowuo.
- 2 WaKorinto 10:5 lochinyamara makusaro na orio kyindo kyekyeshingyia, kyekyeshingyia wurango wo Ruwa, na lochichilyia orio mndu nairime iindia Kristo.
  - 2 WaKorinto 11:3 Kyaindi ngyiowuo; chandu njoka iya ilelemba Eva kui ngyero

tsayo, ilachenyamara makusaro ganyu, mukora wunyotsu na wucha wonyu ko Kristo.

WaEfeso 2:3 wakyeri kye kacha, soe loose lulewerunda kui isanza nawo, langonyi tsa mmbiu yařu, kyiyeri luleosha lango tsa mmbiu na makusaro garu, lukowa kui mwichiwie oru wana wa nyashi kyimwi na iwo wengyi.

WaEfeso 4:17 Kyasia ngyigamba kuri, lyngyi-se ngyirgingyishia kyiiri kya Mndumii, wookyia wulalu maa mulawute chandu wandu wekyewuta, wuwichonyi wo makusaro gawo.

WaKolosai 1:21 Na nyoe muwekyeri ipfo mawookyionyi kuleshi na Ruwa, lyngyi-se washituwa wakte makusaronyi ganyu, kui mawuto ganyu mawicho, namusanza wulalu; (Proverbs 21:27; Esekielyi 23:17)

WaKolosai 2:18 Mndu alamusokye wori wonyu, kui iindia chandu akukundia amonyi tики, na iindia malaika, echikulora shindonyi amloře indi shilai sha loi echikushela, kui wuřango wokye wo kyimmbiu.

1 WaTesalonikye 5:14 Wana wa wama, lomuterewa, řefienyi walya walawore wuyendelyi wucha; karishenyi wafofo, iřichenyi wafafa; karishienyi wandu woose.

2 WaTesalonikye 2:2 kye maa mulaiřewe iwinyi mřasa iřa iwuta kyilya mukundi, maa mulaowesho, kui mumuyo, maa kui řero, maa kui paruo ikusaro kye nyi yařu, cha ilyi kye mfiri Mndumii aicha lya kawi ulemcha.

1 Timoteo 6:5 Na igaluana lya mařero lya wandu wanyamarikye mřoe yawo, walaichi wuloi, kunu wechikusara kye iowuo na ikunda Ruwa nyi njia ya iwona kyilira.

2 Timoteo 3:8 Na chandu Yane na Yambre walewingana na Mose, na wuro na iwa waiwingana na wuloi wo Ndumi Ngyicha. Nyi wandu wanyamarikye mřoe yawo, wawalege kyipfa kya iura iiřikyia.

Tito 1:15 Shindo shoose shishicha ko walya waweche; kyaindi kuwoře kyindo kyikyicha ko walya wafanyi kyimřumoe-pfo, walya walawore iiřikyia; indi ngyuurango tsawo tsifanyi kyimřumoe, na makusaro gawo taa.

WaEbrania 12:3 Kusarenyi mnu mbonyi tsa ulya alekarishia iwingana lyng'anyi mbaře-i lya walya wekyewuta sha wunyamari. Koikyo maa mulaiřikye iloloma na ipfiiyo nyi mřoe.

Yakobo 1:8 Mndu o makusaro galagorokyi nekyekapa kawi njienyi tsakte tsoose.